

**Արմավիրի մարզի Ջարթոնք
համայնքի ղեկավարի առաջին
կիսամյակի գործունեության հաշվետվություն
(2012թ-ի. հունվար-հունիս ամիսների)**

Քաղաքացիների իրավունքների պաշտպանության բնագավառում

2012թ. հունվար-հունիս ամիսների ընթացքում բանավոր և գրավոր գյուղապետարան է դիմել համայնքի թվով 155 բնակիչ, որից 8-ը գրավոր: Դիմումատուների հարցերին տրվել է լիարժեք պատասխան: Ստացվել և առաքվել է թվով 125 շրջաբերական: Գյուղապետարանը նոտարական գրասենյակում, Ք.Կ.Ա.Գ.-ի բաժնում, անձնագրային բաժնում, կադաստրի տարածքային ստորաբաժնում բանավոր և գրավոր 185 անգամ միջնորդությամբ հանդես է եկել համայնքի բնակիչների օրինական շահերը պաշտպանելու նպատակով: Ազգաբնակչությանը տրվել է 366 տարբեր բնույթի տեղեկանքներ:

Կայացել է համայնքի ավագանու 3 հերթական նիստ, որոնք ներկայացվել են մարզպետարան: Գյուղապետի կողմից կայացվել է 27 որոշում և արձակաց 2 կարգադրություն, որոնք նույնպես ներկայացվել են մարզպետարան:

Համայնքում անցկացվել է Մարտի 8-ի, Մայիսի 9-ի և մայիսի 28-ի կապակցությամբ միջոցառումներ, որի ժամանակ բաժանվել են հուշանվերներ: Կազմակերպվել և անցկացվել է Ազգային ժողովի պատգամավորների ընտրություններ:

Ֆինանսների բնագավառում

Օրենքով սահմանված կարգով ապահովել և տնօրինել է համայնքի բյուջեի մուտքերը և նպատակային օգտագործումը: Հաշվետու ժամանակահատվածում հավաքագրվել և մուտքագրվել է գույքահարկի մասով 568200 դրամ, հողի հարկի մասով 1015380 դրամ, տեղական տուրքերի մասով 80000 դրամ և վարձակալական հողի մասով 61380 դրամ: Գյուղապետարանը աշխատակազմի աշխատակիցների աշխատավարձերի, սոց.վճարների և եկամտահարկերի գծով հաշվետու ժամանակաշրջանում ոչ մի պարտք չունի: Հաշվետու ժամանակաշրջանում սեփական մուտքերի մասով բյուջեն կատարվել է հողի հարկի մասով 56,4 %, գույքահարկի մասով 76,8 %, վարձակալական հողերի մասով 8,8 % և տեղական տուրքերի մասով 100 %:

Պաշտպանության բնագավառում

Գյուղապետարանը տարածքային զինկոմիսարյատից գարնանային զինակոչի համար ստացած ծանուցագրերը ժամանակին բաժանվել է հասցեատերերին և հետևել է, որ

ժամանակին ներկայանան գինկոմիսարյատ, վերոնշված աշխատանքները կրելու են շարունակական բնույթ:

Աջակցվում և ուշադրության կենտրոնում են պահվում պատերազմի վետերանների սոցիալական խնդիրների լուծումը: Հայրենական Մեծ պատերազմի հաղթանակի տարելիցի կապակցությամբ պատերազմի վետերանին հատկացվել է 20,0 հազար դրամ, թիկունքի վետերանների համար կազմակերպվել է մեծ միջեցառում, որին մասնակցել է համայնքի ողջ ազգաբնակչությունը:

Աշխատանքներ են տարվում երիտասարդության շրջանում ռազմահայրենասիրական դաստիարակության գործում:

Քաղաքաշինության և հողօգտագործման բնագավառում

Անմիջական վերահսկողություն է սահմանվում համայնքի հողօգտագործողների նկատմամբ տարածքները նպատակային օգտագործման ուղղությամբ: Մասնագետների մասնակցությամբ տրվում է անվճար խորհրդատվություն բույսերի պաշտպանության հարցում: Համայնք են հրավիրվել „ԳԱՄԿ“-ի մասնագետները, որոնք նույնպես անցկացրել են անվճար սեմինարներ և խորհրդատվություններ:

Կոմունալ տնտեսության և բարեկարգման բնագավառում

Համայնքում կատարվում է ամենօրյա աղբահեռացում, որի համար կնքվել է աշխատանքային պայմանագիր մեխանիզատորի հետ: Կնքվել է պայմանագիր տանիպիտ կայանի հետ խմելաջրի որակի աղտոտոշման նպատակով, որի համար հատկացվել է 100,0 հազար դրամ: Խիստ հսկողություն է սահմանվել գյուղապետի կողմից խմելաջրի խողովակաշարի վրա կատարված վթարների և նրանց վերացնելու ուղղությամբ, որի վերաբերյալ կայացվել է գյուղապետի համապատասխան որոշումներ: Գնվել և տեղադրվել է մեկ կենտրոնախույզ պոմպ 350000 դրամ արժողությամբ:

Տրանսպորտի բնագավառում

Գյուղապետարանի կողմից նախատեսվել է 1000,0 հազար դրամի մասնակի ավագապատման և հարթեցման աշխատանքների համար:

Առևտրի և սպասարկման բնագավառում

Արգելվել է փողոցային առևտուրը:

Հսկողություն է սահմանվել արագ փչացող, ժամկետանց սննդի և առևտրային կանոնների խախտման նկատմամբ, ինչի մասին կիսամյակային տեղեկատվություն է ներկայացվում մարզպետարան:

Բացառվել է փողոցային վառելանյութի վաճառքը:

Կրթության, մշակույթի և երիտասարդության հետ տարվող աշխատանքների բնագավառում

Համայնքում ծնելիությունը բարձրացնելու նպատակով համայնքի ավագանու որոշմամբ նորածին երեխա ունեցող ընտանիքներին հաշվետու ժամանակահատվածում նախատեսվել է 100.0 հազար դրամ. յուրաքանչյուրին՝ 20.0 հազարական դրամ, որպես սոց. օգնություն: Դպրոց չհաճախող մեկ երեխայի ծնողի հետ տարվել է բացատրական աշխատանքներ, որից հետո երեխան հաճախել է դպրոց: Գյուղապետարանը համայնքի ավագանու որոշմամբ համայնքի երեք ուսանողներին որպես ուսման վարձ է տրամադրել 300,0 հազար դրամ: Համայնքի դպրոցի շենքի լուսամուտների փոխանակման համար նախատեսվել է մեկ միլիոն դրամ: Համայնքի գրադարանի համար ձեռք են բերվել նոր գրքեր:

Առողջապահության, ֆիզիկական կուլտուրայի, սպորտի և սոցիալական ծառայության բնագավառում

Բուժ անձնակազմի և գյուղապետարանի մասնակցությամբ հսկողություն է սահմանվել խմելաջրի վթարների, խորքային հորերի քլորացման և կենցաղային աղբի հեռացման հարցում: Համաճարակների կանխարգելման նպատակով կատարվում է ամենօրյա բակայցեր և տարվում բացատրական աշխատանքներ: Համայնքում հրավիրվում են բժիշկ մասնագետներ ազգաբնակչությանը անվճար ստուգելու, համապատասխան անվճար բուժումներ և խորհուրդներ տալու նպատակով: Համայնքում կազմակերպվում է ֆուտբոլի մրցումներ հարևան համայնքների հետ: Համայնքի թվով 3 սոցիալապես անապահով ընտանիքներին տրվել է ֆինանսական օգնություն:

Գյուղատնտեսության բնագավառում

Աշխատակազմի միջոցով կազմակերպվել և վիճակագրական վարչություն է ներկայացվել համայնքում անասնազիտաքանակի հաշվառման ամենամյա աշխատանքներ:

Տարածքային վիճակագրական վարչություն է ներկայացվել հունիսյան ցանքաշրջանառության ինչպես նաև առկա գյուղտեխնիկայի հաշվետվություններ:

Համայնքում համաձայն գրաֆիկի կազմակերպվում է անասունների և բույուրների հակահամաճարակային պատվաստումներ: Համայնքում նախատեսվում է անցկացնել ներհամայնքային ոռոգման 1,5 կմ նոր ջրագիծ:

Համայնքի առկա հիմնախնդիրները

1. Մանկապարտեզի շենքի վերանորոգում:
2. Խմելաջրի ցանցի մոտ 1.3կմ խողովակաշարի փոխանակում նորով:
3. Կուլտուրայի տան հիմնովի վերանորոգում:
4. Գյուղամիջյան փողոցների ասֆալտապատում 3 կմ
5. Աղակալված հողերի աղագերծում 150 հա
6. Նոր դրենաժային ցանցի անցկացում 4.5 կմ

Չարթունքի գյուղապետ՝



Պ.ՍԱՐԳՍՅԱՆ